

ZUL QARNAIN



MUNIR AHMAD AZIM

HAZRAT MUHYI-UD-DIN AL-KHALIFATULLAH

JAMAAT UL SAHIH AL ISLAM

PRÉFACE

Mo ena le plaisir pou présente devant bane lecteurs ene aperçu de qui sanlà été Zul-Qarnain ; couma li pas ti exister zis pou ene temps, pour li appliquer aussi pour bane les autres serviteurs de Dieu (Allah) ; surtout bane tel serviteurs ki exister de deux siècles.

Ki Allah augmente nous connaissances lors bane kitchoses ki si Li (Allah) pas enseigne nous, bé zamais nous pas ti pou conné profondeur de bane vérités, ki li dans le passé, et ki confirme séki Quran dire à propos de ça (bane vérités là).

Louanges à Allah, et la paix lors So bane serviteurs ki Li fine choisir. *Amîne.*

Munir Ahmad Azim

Hazrat Muhyi-ud-Din Al-Khalifatullah

Jamaat Ul Sahih Al Islam

16 Rajab 1430 Hijri

10 Juillet 2009

ZUL QARNAIN

SURAH AL KAHF (CHAPITRE 18 DE QURAN SHAREEF)

وَأَصْبِرْ نَفْسَكَ مَعَ الَّذِينَ يَدْعُونَ رَبَّهُمْ بِالْغَدَاةِ وَالْعَشِيِّ يُرِيدُونَ وَجْهَهُ ۗ

Et continuer reste en compagnie de bane dimounes ki invoque zot Seigneur matin et soir et ki pé recherche so plaisir (plaisir spirituel), et pas laisse to li yeux alle plis ki ça. (Quran 18 : 29)

C'est-à-dire pas alle cherche bane plaisirs mondaines et pas obéir bane dimounes ki pas pense Nous et pas obéir bane ki suivre bane mauvais penchants et pas obéir aussi bane ki dépasse bane limites.

Ça verset là vine couma ene support à bane versets précédent ki contenir bane prophéties bien importants.

En effet, ça verset là pé rode dire ki pendant la période kot bane nations chrétiens pou domine le monde, pou ena ene partie dimounes ki pou bane vrai représentants l'islam dans ça même l'époque là. Et ça bane dimounes là pou engage zot dans la prière nuit et jour. Et pendant ça même l'époque là, c.à.d l'époque d'ene Messenger Choisi de Dieu (ki li pas pou apporte aucaine la loi divine mais li pou vini pou faire revivre bane l'enseignements de so Maître Hazrat Muhammad ^(saw)), bane soi-disant musulmans pou mette tous zot bane espoirs lors la gloire politique et aussi lors la grandeur de l'islam et pou faire ça, zot pou employe bane moyens matériel et ça bane soi-disant musulmans là pou guette bane suivants de ça Révivificateur là, ki zot, zot péna aucaine l'importance politique et aussi parceki zot pé concentre zot dans la prière. Ça verset là vine couma ene avertissement pou bane musulmans, car le succès de l'islam pou dépanne seulement lors la prière et l'adoration d'Allah – pas d'autres choses !

Ça verset là faire mention deux-trois kitchoses ki pou cause la malchance et la misère kot bane musulmans dans ça siècle là. Ça trois kitchoses là li comme suite :

1. Bane musulmans pou néglige zot la prière et zot pou arrête adore Allah.
2. Bane musulmans pou éna plus l'amour seulement pou ça le monde là.
3. Zot pou complètement perdu dans zot recherche d'ene la vie luxueuse. Et zot délivrance pou dépanne seulement lors ene chargement dans zot manière et aussi dans zot façon de vivre.

وَقُلِ الْحَقُّ مِنْ رَبِّكُمْ ۖ فَمَنْ شَاءَ فَلْيُؤْمِنْ وَمَنْ شَاءَ فَلْيُكْفُرْ ۗ إِنَّا أَعْتَدْنَا لِلظَّالِمِينَ نَارًا أَحَاطَ بِهِمْ سُرَادِقُهَا وَإِنْ يَسْتَعِيثُوا يُغَاثُوا بِمَاءٍ كَالْمُهْلِ يَشْوِي الْوُجُوهَ بِئْسَ الشَّرَابُ وَسَاءَتْ مُرْتَفَقًا ﴿٢٩﴾

Et dire : « C'est la vérité depuis zot Seigneur, et laisse banne dimounes c'est ki envie croire, laisse zot croire et laisse aussi bane ki pas croire, laisse zot pas croire. En vérité, nous fine prépare ene du feu pou bane injuste et bane murailles de sa du feu pou entoure zot. Et si zot (bane injuste) crier au secours, alors du plomb fondu pou tombe couma de l'eau lors zot et zot visage pou brûler. C'est ene boisson redoutable (du plomb fondue) ! Et di feu ene mauvais lieu de repos ! (18 : 30)

La phrase : « *C'est la vérité depuis zot Seigneur* » veut dire ki la prophécie ki trouve dans bane versets suivant, c.à.d ki le matérialisme et la gloire de bane nations catholiques ki trouve dans l'ouest pou réduire en poussière et ki Islam pou triomphé et ça pou arriver bientôt. Pas pou l'époque kot pou faire Jihad avec l'épée mais ce sera l'époque kot pou prêcher l'Islam paisiblement.

Le dernière partie de ça verset là réponde ene question ki soulever du premier partie. C.à.d, ki si Jihad pas pou faire avec l'épée, bé couma l'Islam pou triompher ?

A ça question là, la dernière partie de ça verset là donne la réponse ki Allah, Li même pou détruire ça soi-disant influence ki bane nations catholiques de l'ouest pou ena.

Ene forme de guerre ki pas pou fini tant ki zot puissance pas pou détruire et tant ki zot puissance pas pou réduire en cendre et en poussière. Du plomb fondu pou tombe lors zot visages. Zot pou rode la paix mais zot pou gagne bombes et coup de balles en retour. Zot jolie la caze pou vine inhabitable pou bane humains et zot la vie pou vine couma ene l'enfer pou zot. Tout zot z'efforts pou amène la paix dans le monde pas pou ene succès. Car zot pas sincère et zot pas honnête.

وَيَسْأَلُونَكَ عَنِ الْقُرْنَيْنِ قُلْ سَأَتْلُوا عَلَيْكُمْ مِنْهُ ذِكْرًا

Et zot pose toi question lors le Zul-Qarnain. Dire zot: « Certainement mo pou raconte zot quelque chose lors so histoire ». (18 : 84)

GOG ET MAGOG

Maintenant concernant Gog et Magog.

Ça bane noms là fine donne ça à certains tribus ki trouve dans Nord-Ouest d'Asie et dans l'Est d'Europe. Ça bane tribus là fine alle vers le Sud et le Sud-Ouest de l'Asie à cause bane la terre ki ti trouve dans ça bane régions li fertiles.

Si ça bane tribus là ti réussit reste dans ça bane régions d'Asie là, alors ça ti pou apporte ene changement dans l'histoire car zot ti pou établir zot dans ça bane régions là et zot ti pou convertis dans bane différents religions ki éna dans l'Est de l'Asie.

Mais, couma fine expliqué dans bane versets suivants, Zul-Qarnain fine construire ene muraille ki fine empêche zot, c.à.d Gog et Magog établi zot dans l'Asie et ça fine oblige ça bane tribus là pou alle vers l'Ouest. Donc, zot fine bloquer entre le Nord-Ouest d'Asie et l'Est de l'Europe. Et en place ki zot ti bizin rentre dans l'Asie, zot fine obliger alle dans différente parties d'Europe ; là-bas, zot fine rentre en contact avec bane catholiques, et zot fine faire ça religion la, zot religion nationale.

Mais ça bane dimounes là fine toujours vise bane la terre fertiles d'Asie et zot fine développe ene désire pou conquérir ça la terre là.

Et quand zot pas fine réussit conquérir l'Asie, ça fine crée ene sense de frustration dans zot. Et ça désire là fine grandi de génération en génération et ça désire là fine transformer en ene affaire politique contre bane Asiatique, pendant les trois derniers siècles. Donc, zéfforts ki Zul-Qarnain fine faire pou empêche zot pou rentre dans l'Asie fine crée ene grand désordre spirituel ki fine crée par *Dajjal* ; c'est le deuxième nom de Gog et Magog. Le

Zul-Qarnain et Gog et Magog zot liés. Dans le Quran, fine faire mention de Zul-Qarnain et aussi avec ene mention d'ene retour au pouvoir de bane catholiques ki représente Gog et Magog dans le temps actuel.

﴿٩٧﴾ فَمَا اسْطَاعُوا أَنْ يَظْهَرُوهُ وَمَا اسْتَطَاعُوا لَهُ نَقْبًا

Gog et Magog pas fine capave escalader et zot pas fine capave continuer zot chemin. (18 : 98)

Quand muraille là fine fini construire, bane dimounes de ça tribus là, c.à.d Gog et Magog, pas fine capave continuer zot chemin vers l'Asie. Muraille là ti trop épais pou ki zot capave détruire li et li ti aussi trop haute pou ki zot capave escalade li. Muraille là ti ena 29 pieds d'hauteur et 10 pieds d'épaisseur et li ti éna bane la portes en fer et ti éna bane la tours. Muraille là fine bien défende la frontière Perse.

﴿٩٨﴾ قَالَ هَذَا رَحْمَةٌ مِنْ رَبِّي فَإِذَا جَاءَ وَعْدُ رَبِّي جَعَلَهُ دَكَّاءَ وَكَانَ وَعْدُ رَبِّي حَقًّا

Lors là, li fine dire : « C'est ene miséricorde de la part de mo Seigneur. Mais, quand la promesse d'Allah pou accomplie, Allah pou détruire li, c.à.d Muraille là. Et la promesse d'Allah li vrai. » (18 : 99)

La phrase : **« C'est ene miséricorde de la part de mo Seigneur. »** montré nous clairement couma Cyrus ti ene dimoune humble et pieux. Couma ene bon serviteur d'Allah, li pas fine flatte li-même pou bane kitchoses ki li fine conquérir, mais li fine considère tout c'est ki li fine réussit faire couma ene faveur et ene miséricorde de la part de so Seigneur. Donc, Cyrus fine comporte li couma ene vrai croyant car vraiment li ene vrai croyant.

La phrase : **Mais, quand la promesse d'Allah pou accomplie** » montré ki Allah fine informe Cyrus par la révélation ki pou ena ene période kot Gog et Magog pou rode rentre dans le Sud-Est de l'Asie encore et muraille là pas pou capave résister, muraille pas pou capave empêche zot continuer. C'est ça la signification de la phrase : **« Allah pou détruire li... »**

Dans le Chapitre 21 Verset 97, faire mention ki Gog et Magog pou propage **« so tentacules »** autour du monde ; c.à.d ki Gog et Magog pou partout dans le monde. Métaphoriquement, le fait ki **« Muraille là pou détruire »** veut dire ene déclin du pouvoir politique de l'Islam, plus particulièrement celui de bane Turques, dans Europe. Avec l'affaiblissement du pouvoir de bane Turques, bane nations catholiques d'Europe capave facilement conquérir l'Est.

﴿١٠١﴾ وَعَرَضْنَا جَهَنَّمَ يَوْمَئِذٍ لِلْكَافِرِينَ عَرْضًا ﴿١٠٠﴾ الَّذِينَ كَانَتْ أَعْيُنُهُمْ فِي غِطَاءٍ عَنْ ذِكْرِي وَكَانُوا لَا يَسْتَطِيعُونَ سَمْعًا ﴿١٠١﴾

« Et ça jour là, Nous pou présente l'enfer à bane mécréant, zot li yeux ti couvert avec voile, zot pas ti pé prend compte mo avertissement, et zot pas ti même capave tender (avertissement là). » (18 : 101-102)

Ena beaucoup prophéties lors bane événements à venir. Quelques de ça bane prophéties là fine fini accomplir en la personne de Hazrat Mohammad ^(saw), et éna d'autres prophéties ki pou accomplir après. Le récit du Zul-Qarnain, pareil couma bane les zot récits dans le Quran renferme ene grand prophétie ki fine accomplie en la personne de Hazrat Mirza Ghulam Ahmad ^(as) le fondateur du Jamaat Ahmadiyya. Hazrat Ahmad ^(as) ti le Zul-Qarnain de so l'époque. Le récit coranique du Zul-Qarnain historiquement applique au grand monarque de la Perse, Cyrus, et spirituellement li applique pou Hazrat Mirza Ghulam Ahmad ^(as) aussi.

Donc, à part so valeur historique, ça histoire là li remplie de bane grands valeurs et pratiques spirituel. Li implique ene grand prophétie kot pareil couma au 6^{ème} siècle, Cyrus fine sauve la Perse de Gog et Magog kan li fine construire ene muraille pou empêche zot passé, de la même manière ene l'autre Zul-Qarnain pou sauve bane l'âmes bane dimounes. Ça l'autre Zul Qarnain là pou protége bane l'âmes de bane influences morales de bane catholiques de l'Ouest. Ça bane catholiques de l'Ouest la, zot bane descendants de Gog et Magog.

Ça l'autre Zul-Qarnain là pou accomplir so travail par l'aide de la connaissance divine et de bane signes ki Allah pou montre dans so la main.

Dans le Chapitre 89 Verset 6-8 du Quran Shareef, Allah fine dire :

أَلَمْ تَرَ كَيْفَ فَعَلَ رَبُّكَ بِعَادٍ ﴿٦﴾ إِرَمَ ذَاتِ الْعِمَادِ ﴿٧﴾ الَّتِي لَمْ يُخْلَقْ مِثْلُهَا فِي الْبِلَادِ ﴿٨﴾

« Est-ce qui to pas fine trouver séki to Maître ti faire avec le peuple de Ad ; de la cité d'Iram, avec bane grandes colonnes ki jamais fine construire dans bane les autres pays ? »

Gary Miller fine publier ene livre ki ena pou titre « *The Amazing Quran* » 1- 8 et c'est ki mo pou écrire là trouve dans ça livre là :

Dans Chapitre 89 du Quran Shareef, faire mention d'ene cité ki appelle Iram (ene cité avec colonnes).

Dans l'histoire ancien, personne pas ti conne so l'existence. Toutefois dans le numéro de décembre 1978 du magazine National Géographique, ena ene article ki fine mentionne ene information important kot en 1973, fine faire la découverte de la cité d'Elba dans la Syrie. Fine aussi découvert ki ça cite là, li vieux de 43 siècles mais c'est pas ça ki plus étonnant. Bane chercheurs fine découvert ki dans librairie la cité d'Elba, ena ene record de tous bane cité ki fine faire commerce avec la cité d'Iram. Donc, le peuple d'Elba fine faire commerce avec le peuple d'Iram !

Bane musulmans fine dire ki le Quran confirme bane la fouille (archéologique) dans Ebla et non pas Elba.

Elba c'est ene l'île kot Napoléon ti pé resté après ki zot fine bani li après ki li fine perdi pouvoir et bane musulmans trouve ça couma ene preuve de la véracité du Quran Shareef. Mais ki ça l'article du National Géographique là dire ?

Ça l'article là ena pou titre : « *Ebla : Empire Splendide ou Inconnu* » et ki fine écrire par Howard la Fay. Ça l'article là trouve à la page 730-759 dans le numéro de Décembre 1978 du magazine National Géographique – Dans pages 735-736 mentionné:

Bane noms de bane cités la, ki nous ti pé penser fine fonder bien après, ça bane noms là figures lors la liste là, couma Bierut et Byblos. Faire aussi mention de Gaza et Damas et aussi deux cités ki aussi mentionné dans la Bible, c'est-à-dire Sodome et Gomorrhe. Ena aussi la cité d'Iram ki aussi mentionner dans Chapitre 89 du Quran Shareef.

Pas fine donne aucaine détails lors ça cité là sauf ki nous conner ki li existé. De plus nous pas sure si c'est ça cité là même ki fine mentionner dans le Quran Shareef. Ena plusieurs cités sous le nom de *Ur*, par exemple ena ene près avec Ebla dans la Syrie et ene l'autre dans Chaldea. Pas fine même mentionne kot li trouvé et péna aucaine information lors so bane fameux colonnes. Dans ça l'article du National Géographique là pas fine mentionner ki Ebla fine faire commence avec Iram. Dans ene l'autre paragraphe de ça l'article là, fine dire ki fine découvert bane la listes ki mentionne bane cité avec ki Ebla fine faire commerce mais Gary Miller fine combine ça deux informations là ; exemple, même si péna aucaine relation entre ça deux informations là.

Mo pas pé rode dire ki le Quran Shareef pé faire erreur lors ça point là (Nawzobillah), mais le fait ki fine trouve ene nom ki sonne pareil li pas réellement ene preuve important. De plus, parceki bane musulmans fine déclaré lors journal ki : « *Ena ene grand différence d'opinions entre bane savants musulmans concernant ki sanlà le Zul-Qarnain. Et ça à cause ki le Quran Shareef pas fine donne ene explication lors ça dimoune pieux là sauf ki fine mentionne ki li (Zul Qarnain) pou ena ene grand empire et ki li pou renferme Gog et Magog* ».

Ena aussi boucou de difficultés par certains savants musulmans kot zot fine par exemple décrire ene dimoune capave trouve so explication lors bane colonne de la cité d'Iram. Concernant ça, zot fine spéculer ki bane habitants d'Iram ti bien hautes et grands etc. Et maintenant nous conner ki c'est faux.

Nous capave vérifier l'article ki fine paraître dans National Géographique et nous pou trouve ki la déclaration du Quran Shareef li vrai. Ena ene déclaration Hyde Park Speaker's Corner : « *Le Quran fine faire mention de « bane grands colonne d'Iram », zot tous dire ki la cité d'Iram pas exister, et voilà ki par la grâce d'Allah, ene dimoune fine alle fouiller et fine découvert la cite perdue d'Iram avec so bane colonnes* ».

Mo pas fine trouve aucaine kitchose lors bane « grands colonnes » dans l'article dans National Géographique. Et c'est ene de bane rumeurs plus longues de séki ou dire.

La direction du Quran Shareef li lors la splendeur de ça bane « grandes colonnes » de la cité d'Iram là. Concernant ça, le magazine « National Géographique » pas fine donne aucaine indications.

Kot muraille de Zul Qarnain ? Qui été Gog et Magog ?

D'après bane universitaires, Alexandre le Grand pas ti le Zul-Qarnain. Toujours d'après bane l'études ki ça bane universitaires là fine faire, zot fine découvert ki bane les rois du Yémen ti pé servi bane noms ki commence par le suffixe Dhu, par exemple Dhul Yazan.

Donc, Alexandre le Grand ti seulement ene le roi du Yémen ki ti pé vivre dans l'époque du Prophète Ibrahim ^(as) et Alexandre ti pé recevoir instruction de Khidr. Alexandre le Grand ti vivre 300 ans avant Jésus et Aristote ti pé enseigne li.

Nous capave retrace l'histoire de l'homme en arrière dans ene façon regulier pendant à peu près 3000 ans.

Mais ça li pas exacte concernant le temps avant le Prophète Ibrahim ^(as) bane commentaires Quran faire mention de ça Zul-Qarnain du Yémen là sous le nom d'Alexandre des temps Anciens ou bien à cause de ceci :

Bane événements particuliers ki fine mentionner dans bane versets du Livre Sacré c'est en fait bane indices pou bane événements universel ki fine passer. Donc, d'après so prophétie, Alexandre le Grand, ki ti le Zul-Qarnain, fine faire construire ene muraille pou bane ki ti victimes de ça bane oppresseurs là.

Alexandre fine construire la grande muraille de Chine pou empêche bane attaques de bane ennemis. De la même façon, boucou de bane les rois ki ti puissants et bane conquérants couma Alexandre fine suivre le pas de Zul-Qarnain, mais dans ene contexte mondaine et matériel. Tandis ki bane prophètes et bane pilliers spirituel, zot couma bane les rois dans la vie spirituelle de l'homme et zot fine suivre le Zul-Qarnain spirituellement, zot fine construire bane barrages entre bane montagnes pou protège bane opprésés contre bane oppresseurs, et après zot fine construire bane les autres infrastructures solides lors bane montagnes, zot fine faire ça par zot pouvoir matériel et aussi par ene guide et à travers ene plan. Puis zot fine construire bane murailles autour de bane la villes et aussi, et finalement zot fine faire bane machines de guerre et bane les autres kitchoses ki ti couma bane citadelles mobile. Le barrage le plus connu dans le monde, c'est la grande muraille de Chine ki ti faire pou empêche bane Tribus sauvages de Mongols et Mandchouriennes (plus connus comme Gog et Magog dans le Livre Sacré) pou rentre dans l'Inde et la Chine. Ça bane tribus là fine faire boucou dégâts à plusieurs reprises, et

ça bane tribus là vine depuis de l'Himalaya et zot fine vine pou apporte la destruction de l'Est à l'Ouest. Ene grand muraille fine construire entre deux montagnes ki ti près avec bane montagnes de Himalaya et ça muraille là fine empêche bane attaques (ki ti fréquent) de bane peuples barbares et bane barrages aussi fine construire par bane les rois de la Perse, ki ti ressembler le Zul-Qarnain ; ça bane barrages là fine construire dans bane montagnes de Caucis ki trouve dans la région de Darband et ça bane barrages là ti construire pou barre la route de bane Tartares – ena boucou bane barrages coumsa.

Le Livre Sacré, li pou toute l'humanité, et dans le Livre Sacré, li faire mention de bane événements et de ça façon là boucou d'événements ressembler bane événements ki fine mentionner.

De plus, le Livre Sacré passe par ene événement à ene l'autre événement ki assez distant. Ene dimoune ki pas pense ça pou croire ki ça deux événements là zot proche, c.à.d péna boucou le temps ki sépare ça deux l'événements là. De ça façon là, quand nous trouver ki le Livre Sacré fine mentionne la destruction de ça muraille là et la fin du monde, ça pas veut dire ki ça deux événements là zot proche ; ça veut dire ki, le monde pou détruire de la même façon ki muraille là pou détruire. Couma bane montagnes, zot bane kitchoses naturelles, bane barrières divine pou détruire à la fin du monde. Donc, si ça barrière là li aussi solide couma ene montagne ça barrage là pou réduire en poussière pendant la destruction du monde. Même si barrages là pou « endommager » par bane attaques ki pou ena dans le temps, la plupart ou la majeure partie de ça muraille là pou reste intacte. Oui, même la grande muraille de Chine encore exister pendant des milliers d'années et li encore la même et nous encore capave trouve li. Nous capave trouve la grande muraille de Chine couma ene longue la ligne sans importance ki fine écrire par la main de l'homme lors page de la terre.

Nawaz Ibn Saman raconter ki le Saint Prophète ^(saw) fine mentionner ki l'Antéchrist ene matin li présente li si petit et aussi étant si grand, ki nous penser ki li déjà présent dans ene jardin de dattes (tames) très proche de nous. Et quand li fine tourne vers nous et li fine trouve nous perplexe et li fine demandé, « *De ki zot pé tracasser* ». Et zot fine dire, « *O Messenger de Dieu, ou fine cause de l'Antéchrist le matin comme petit et présente li comme grand, comme si li déjà présent dans le jardin de dattes tout près. Et li ^(saw) fine réponde ki : « Ena quelque choses encore concernant l'Antéchrist ki faire moi effrayer en ce ki concerne ça. Mo pas effrayer ki zot pou l'Antéchrist, si li ti apparaître quand mo parmi zot mo ti pou zot défenseur, mais li pou apparaître quand mo pas pou parmi zot ; alors chacaine besoin occupe zot-même. Allah pou le gardien de chaque musulman dans mo place. L'Antéchrist li pou ene jeune avec bane cheveux en désordre (chiffonné) et so ene coté li yeux pou aveugle. »*

Li ^(saw) pensé ki li ressemblé Izza Ibn Quatan. « *Celui ki trouve li parmi zot besoin récite le Surah Al-Kahf (Ch.18). Li (l'Antéchrist) pou sorti de la route de Syrie et Iraq et li pou amène l'épée et le sang de droite et de gauche. Après reste loyal, déterminer, O serviteurs d'Allah. »*

Et nous fine demande li, « *O Messenger d'Allah, combien le temps li pou présent lors la terre?* » Et le Messenger d'Allah fine réponde : « *Quarante jours pou couma ene an, ene pou couma ene mois, ene pou comme ene semaine et les reste de so jour pou couma zot bane jours moyens. »*

Nous fine demande le Messenger d'Allah, « *le jour ki pou représente ene an est-ce qui li pou suffit pou nous pou observe les cinq Namaz quotidien ?* » Le prophète ^(saw) réponde : « *Non, zot besoin faire ene estimation du passage de temps* ». Alors nous demande le Messenger d'Allah, « *Comment pou l'avancement de zot mouvement lors la terre ?* » Le Saint Prophète ^(saw) dire : « *Couma ene nuage ki di vent pé pousser. Li pou arrive parmi ene peuple et li pou appelle zot à l'obéissance et zot pou obéir li et croire en li. Li pou commande le ciel et li pou envoye la pluie lors bannes dimoune. Li pou commande la terre et li pou produire le pâturage pou zot et bane brebis pou retourne vers zot le soir avec bane gros bosse, et tétine bien remplie et bien gras. Et li pou arrive vers ene peuple et li pou appelle zot à so l'obéissance et zot pou rejette so l'appelle et li pou tourner de zot. Zot pou faire face à la sécheresse, la famine et zot pou rejeter. Li pou passe par le désert et li pou demande zot zot bane trésors et zot trésors pou suivre zot comme bane abeilles. Li pou appelle ene dimoune ene jeune et li pou batte li*

avec so l'épée et coupe li en deux morceaux et li pou sépare li, les deux bouts pou distance ene arc. Et li pou appelle li et li pou obéir li avec sourire et contentement.

Et quand li pou au milieu de tous ça, Allah Le Très-Haut, pou élève le Messie, fils de Marie, ki pou arrive près du minaret blanc dans l'Est du Damas, vêtue de deux vêtements safranés. So la main pose lors les ailes de deux aubes ; quand li pou verser so la tête gouttes de l'eau pou tomber, et pou éclairer comme l'argent et quand li pou lève so la tête ça goutte (de l'eau) là pou couma perles pé tomber. Ene non-croyant si li pou en contact avec so respiration pou mort et so respiration pou aussi longue ki so la vue été. Li pou poursuivre l'Antéchrist et li pou joindre li à la porte de Lud et li pou égorge li. Le Messie pou retourner vers ene peuple ki Allah fine protégé de l'Antéchrist. Li pou enlève la poussière de zot visage et li pou informe zot les grades du paradis.

Quand li pou bien occuper, Allah Le Très-Haut pou envoyer révélation lors li ; ki Allah fine crée certains dimounes ki personne pas pou capave la guerre avec zot non plus debout avec zot.

Alors guide zot, mo bane serviteurs, à Mont Sinäi. Allah pou élève Gog et Magog et zot pou propager et traverser toute barrière que ce soit la terre ou la mer (21:97).

Zot troupes pou avance jusqu'à Lae Tabariah et li pou boire tout de l'eau et quand le dernier groupe pou passer près ça Lac là zot pou dire : « Ene temps ti ena de l'eau là-bas »

Le Prophète d'Allah, le Messie et so compagnons pou attaquer jusqu'à ki ene la tête cerf pou paraître plus ki cent dinars (l'argent pas pou éna valeur).

Puis le Prophète d'Allah, le Messie et so compagnons pou tourner vers Allah Le Très-Haut et pou supplier Allah, et Allah pou créer ene germe dans li cou de bane hommes de Gog et Magog et en sus de ça zot pou mourir subitement ene jour. Après le Prophète d'Allah et le Messie et so compagnons pou descendre du Mont et li pas pou trouver ene place pou passer parmi ça bane cadavres là (Gog et Magog). Puis le Prophète d'Allah, le Messie et so compagnons pou supplier Allah le Maître de l'honneur et Allah pou envoyer bane oiseaux avec bane longues la bec, couma licou chameaux ki pou prendre ça bane les corps là et jette zot kot Allah envie. Puis Allah pou envoyer la pluie et chaque chose, en argile ou en cheveux pou laver et zot pou couma ene miroir. Puis la terre pou commander à produire bane fruits et pou gagner so bénédiction, pou ki ene grand groupe d'hommes pou plein manger ene grenade et zot pou capaver prendre refuge en bas l'ombrage so bane feuilles. Du lait pou en abondance, du lait d'ene chameau pou suffire pou ene famille. Quand zot pou dans ça condition là Allah pou envoyer la brise pure ki pou frapper zot sous le bras kot chaque âme d'ene croyant et musulman pou sous la protection d'Allah seulement, bane mauvais dimounes pou resté, kot chaque homme pou rester en compagnie de bane madames ki pou comme bourriques, et pou ena le jugement. (Muslim)

Hadith No. 1830 : Abou Saïd Khudri raconté ki le Saint Prophète ^(saw) fine dire : « De zot Khalifa pou ena ene dans bane derniers temps, ki pou distribuer du bien (c'est-à-dire, la spiritualité) sans compter. » (Muslim)

La nature de bane travail de ça deux Zul-Qarnain là montré ene ressemblance frappante entre ça deux Zul-Qarnain là, seulement ene là ti dans ene contexte mondaine et l'autre ti dans ene contexte spirituel aussi avec Cyrus, Hazrat Mirza Ghulam Ahmad ^(as) ti gagner le titre de Messie et pareil couma Cyrus ti le Zul-Qarnain dans le sens ki li ti le chef du double Empire Médo-Persan et Hazrat Ahmad ^(as) (1835-1908) ti le Zul-Qarnain dans le sens ki li fine vivre dans ene l'époque kot li fine trouver le commencement de deux siècles de plusieurs ères (*Qarn* veut dire ene siècle).

Surah Al Kahf Chapitre 18 Verset 84 Ruku 11 :

وَيَسْأَلُونَكَ عَنِ ذِي الْقُرْنَيْنِ قُلْ سَأَتْلُوا عَلَيْكُمْ مِنْهُ ذِكْرًا

Et zot pose toi question lors le Zul-Qarnain. Dire zot: « Certainement mo pou raconte zot quelque chose lors so histoire ». (18 : 84)

Ene fois mo ti pé lire le Chapitre 18 du Quran Shareef et ça Surah là ena pou titre “La Cave”. Et dans ça Surah là (Al Kahf), faire mention de Zul-Qarnain.

Quand mo fine étudier ça Surah là bien en profondeur, mo fine remarquer ki l’histoire ki ça Surah là contenir li coincide avec la condition de ce ki nous pé vivre dans le temps actuel. Dans ça Surah là, li faire mention kot quand Zul-Qarnain fine faire so premier voyage (so premier voyage ti dans l’Ouest), li fine arrive ene place kot couma dire soleil fine alle coucher dans ene lac la boue.

Après ça voyage là, le Zul Qarnain fine faire ene lot voyage, et cette fois-ci, li fine alle dans l’Est. Lors de ça voyage là, li fine joindre ene dimoune ki ti sous ene soleil bien fort et pas ti ena aucaine moyen pou protége li de ça chaleur là, pas ti ena même l’ombrage.

Après le Zul-Qarnain fine faire ene troisième voyage et au bout de ça voyage là, li fine joindre bane dimounes ki fine informe li de bane ravages et dégâts ki Gog et Magog pé faire et ça bane dimounes là fine supplier li pou ki li protége zotte.

Allah Le Plus Grand, fine donne nous ene description en forme d’ene parabole. Néanmoins, le nom de Zul-Qarnain capave donne ça nom là à celui ki trouve deux siècles et moi, mo fine vine dans tous les deux siècles dans ene façon ki péna aucaine objection lors moi. Définitivement, mo forme partie des deux siècles Islamique, et si zot faire bane calculs ki bizin, zot pou trouver ki c’est la vérité.

Ena ene Hadith ki dire :

« *Le Mahdi pou reigner lors la terre couma le Prophète Zul-Qarnain et le Prophète Suleimane.* » (Ibn Hajar al-Haythami, Al-Qawl al-Mukhtasar fi 'Alamat al-Mahdi al-Muntazar, p. 29)

De plus ene l’autre Hadith confirme la venue de l’apparition du Mahdi (Le Bien-Guidé – Celui ki Guide dans le droit chemin – L’Illuminé) dans siècle Hijri ki nous pé vivre actuellement, c’est-à-dire, l’Année 1430 Hirji (ki équivalent à l’Année 2009 de l’ère Chrétienne). Hadith là li comme suite :

« *Compte deux ou trois décennie après l’année/la décennie de Hijri 1400. A ce moment là, le Mahdi pour apparaitre...* » (Asmal Masalik Lieyyam Mahdiyy Maliki Li Kull-id Dunya Biemrillah-il Malik, Qalda bin Zayd, p. 216)

Donc, bane kitchose ki Allah Le Très-Haut fine révèlè dans le Quran Shareef, zot pas bane zaffaire ordinaire. En fait, zot contenir dans zot-même bane prophétie et si ene dimoune considère ça couma bane vrai musulmans.

En bref, si nous considère ça, alors mo bizin être considéré comme le Zul Qarnain et le Mahdi aussi. D’après moi personnellement de nous religion (l’Islam), Zul-Qarnain veut aussi dire Messie, Révivificateur de la Foi ou ene Khalifatullah, et le Mahdi li fine aussi être référé par le Saint Prophète Muhammad ^(saw) comme le Khalifatullah (de so l’époque).

Ena ene Hadith ki rapporté par Ibn Shiba et ki fine rapporté par Ibn Umar ki le Prophète d'Allah ^(saw) fine dire ki le Mahdi ^(as) pou paraître dans ene manière ki ene ange pou annoncer la-haut so la tête ki « *li le Calife d'Allah* ^(as), *Mahdi* ^(as). »

Allah Le Très-Haut fine aussi faire référence à bane peuples de l'Ouest et de l'Est. La référence concernant bane peuples de l'Ouest li pou bane dimounes ki fine gagne les bons enseignements d'Injeel (L'Évangile) et aussi bane les autres livres religieux. Mais ça bane dimounes là fine gâte ça bane bon enseignements là et seulement malpropreté fine reste pou zot.

Concernant le peuple de l'Ouest, pé faire référence à bane peuples musulmans ki pas fine accepter Hazrat Massih Maoud ^(as) à l'époque et le Khalifatullah de ça l'époque là ; donc, zot pé reste dans ça soleil bien fort là, et zot pé brûlé par ça bane rayons de soleil là.

Mais mo Jamaat li bien chanceux et nous bizin remercier Allah pou Qui fine guide nous et pou Li pé encore guide nous. Toutefois, la condition dans laquelle nous été là pas encore évoluer. Nous ena beaucoup de chemin encore à faire pour ki la Victoire de l'Islam – la Victoire d'Allah – prend place. Ça victoire là pou kan bane Gog et Magog et l'Antéchrist de mo l'époque pou exterminer par la main divine. Insha-Allah. *Amîne*.

وَلَقَدْ سَبَقَتْ كَلِمَتُنَا لِعِبَادِنَا الْمُرْسَلِينَ ﴿١٧١﴾ إِنَّهُمْ لَهُمُ الْمَنْصُورُونَ ﴿١٧٢﴾ وَإِنَّ جُنَدَنَا لَهُمُ الْغَالِبُونَ ﴿١٧٣﴾

Nous parole ti fine fini donné en faveur Nous bane Messagers, qui zot pou gagne secours, et qui c'est Nous l'armée pou gagne la victoire. (37 : 171-173)